

Jugi Bricht 2022

Eusi Jugi isch wüerkli Afang Johr no es Sorgechind gsi
Das het sich denn nach de Sommerferie gänderet ziemli gli
Mit händ jetzt uf de Jugilische e super Zahl
Ganzi 16 Chind stönd druuf das isch doch wunderbar

Concetta het sich do mächtig is Züeg gleit und Werbig gmacht
Danke defür und de Erfolg isch vo dir erbracht
Mir händ jetzt wieder viel Chind i de Halle
Und das freut eus beidi und tuet eus au gfalle

S'Programm cha mer so viel beschter gställte hämmer welle
Händ vergässe, dass nüd allli wänd so wie mer hettet welle
Wenn nüd alli Chind gleichzeitig beschäftigt sind giz «Luuscheibe» debie
Wo's usnützet, eifach umeränned, die andere a'stecked und eus uslachtet
debie.

En Sack voll Flöh isch i dere Situation mängisch sicher besser z'hüete
Als die losglöste chline Luuser die das ganz tüend us brüetet.
Guet hämmer i dere Situation euses luute Organ zum bruuche
Da nützt zwar nüd immer aber meischtens und alli tüend ihres Plätzli
sueche.

Dorum tüemer jetzt au eus dem apasse und euses Programm so gstatte
Tüend luege, das kei Lücke entstönd jedes Chind sofort mues schalte
So hämmer doch immer wieder de Erfolg, dass es klapped
Mir weniger schreie müend und vor Usbrüche simmer gwappnet

Denn hämmer no es anders Problem eusi Halle Ziit
Ei Stund hämmer zur Verfügig und das isch nüd grad de Hiit
Wenn Material muesch ha zum's Programm gschtalte
Muesch en richtige Künschtler si demit chasch Ziit ihalte

Denn's Ufstelle und nachher au s'versorge muesch im Chopf ha
Denn chasch nüd viel Sache bruuche hesch grad es Problem vo afang a
Mir müend eus Gedanke mache wie mir das am Beschte löse chönd
Mir sind optimistisch au das bringed mir fertig so simmer eus gwöhnt.

Concetta und ich mir lueged das uf alli Fäll richtig a
Mir händ mit de Chind de Plausch und wänd das au witer ha
Ev git's jo im nächschte Johr e Möglichkeit und mir gönd an Jugitag
Mit dere Azahl Chind wäris jo super und für eus e bsonderi Lag.

Jugileiterinnen

Concetta und Helga